

人物傳第五

辰州府志三十七

賜按察司銜候補道攝府事儀徵畢不恕仲言輯

瞿應頡

夏可升

謚會桂

朱元侗

子云秀
云蕤

蕭露洽

趙謙

潘亮淵

余子錦

劉澤長

文徵遠

鄧之珂

孫欽錫

劉恂

父日升

楊蕃生

馬上彥

袁文明

魏進

弟建

魏繩德

瞿列秀

龔承寵

廖尚選

向夢熊

王玉美
蔡斗還

李象琳

黃大福

周士昂

辰州府志

卷三十七

人物傳下

謚澹

姜光周

弟光成

米云堅

舒宏訓

向淑俊

父首國

謚梅

米云方

石山榛

李日新

父枝珊

唐之命

李子舉

康仲瑋

弟仲德
仲岱

劉紹緒

向濤

張宏仁

黃道恒

張源

向宗軻

姚大焜

廉節

官恤民

金國梁
等

唐永彰

李治

張友曾

兄友顏

向德一

唐效堯

曹宏勳

武光極

光樞

戴璠

戴
呼

李世烈

劉芳彤

芳彰

鄧國均

萬民瞻

朱自植

劉希義

方亨

張齊歐

田仁澐

黃朝賓

李陵公

林文郁

陳大勳

楊鴻謙

文從軾

黃案

熊世傑

張儼

向廷柱

李茂林

魏紹

石山靜

山靈

姚明性

李樹公

謝純臣

韓嗣晉

姪价

張鋒

晉啟祥

劉芳楫

董大猷

李枝泰

子源長

楊翹

李發林

辰州府志

卷三十七

人物傳下

二

周大昇

荆自才

本朝

瞿應頡沅陵人少嫻韜鈴以志節自命順治丁亥瀘溪
 有奸民姚啟唐啟虞者煽亂連苗而起剿則玉石俱
 焚守則饋運繁費於是辰沅靖道范某奉命招撫應
 頡為本道中軍守備因請身入賊巢開誠勸諭連招
 四十六寨賊黨解散殆盡至密登將近賊巢賊見黨
 與瓦解恨應頡遂詐聽約束誘而擒之應頡挺然不
 屈至死罵賊不已居民義之為殮瘞焉子增生龍升
 孫附主佐尋得其處築墓勒石記之雍正間祀忠孝

夏可升沅陵人順治丁亥黔兵王進才馬靖忠攻陷城邑可升以候補郎官奉辰沅靖道范某檄備禦沅黔慷慨赴義戰歿於陣范某憐其義為殮葬之後其孫庠生禹德過黔勒碑以誌其墓 省志 續志

謹會桂字蘭友淑浦庠生生有膂力武藝絕倫順治五年逆賊牛萬才掠龍潭鄉砍傷桂弟會極桂奮勇先登率壯士襲之賊死傷甚眾乃遁桂知其必復來也約鄉勇防之越數日果至鄉勇齊起賊不能敵終逸去當是時牛賊寇淑淑遍罹其殃龍潭獨免桂之力

辰州府志

卷三十七

人物傳下

三

也 呈補

米元侗字同人辰谿監司肇願之仲子也甲午舉於鄉康熙初出補東安教諭與其兄元侗以詩文相切磋力追古作者雖流離坎坷未嘗廢學元侗嘗為序滿竹園集稱其詩以意運法不襲取古人皮毛文之至者亦然子七人皆有聲庠序云秀行四字榮始云蕤行六字季馨俱能世其詩學云蕤於字法講求尤深辨訛正俗著同文要覽刻行於時 羅峰文集補

蕭露洽字適生沅陵人府庠生性耿介與人交非誠敬相接輒拂衣去又持論多迂濶眾笑以為駸其家

奉母命惟謹順治乙未間辰地兵戈未靖奉母逃避山谷奔走供食忽兵入山繫其母與弟去露洽聞知走武陵尋母弟所在徒跣號呼遍告人懇以身贖有孫中軍者爲之心哀助金贖歸一時咸稱其孝後屢試不第竟賣志而卒雍正間祀忠孝祠

省志 續志

趙謙字六亨號亦山辰谿人康熙初貢生生平好善若渴惡惡若讐剛方自勵不以窮達動其心嘗曰善卷何人遺蹤具在吾其老矣遂卒年八十有三

潘月山集補

潘亮淵字敬公號月山沅陵人生於萬歷丁巳十八爲諸生得唐九官爲師探討淵邃博極羣書爲古文得

辰州府志

卷三十七

人物傳下

四

韓歐筆意於高山流水時有會心兄弟二人其季幼爲兵擄亮淵四處訪求得之於蜀年四十有七矣乃娶妻產子而亮淵亦至四十後始產子先居黔陽後移居舒溪舒溪山水菁華盡爲亮淵發之年八十始居潘溪九十有一而終所著有月山堂集

月山堂集補

余子錦字陶石辰谿人通判鳴鳳子順治十八年恩貢雅志詩書不以困頓自釋爲文清峭畧近柳州爲詩雋拗自喜於山水隱蹟處處摩娑爲字縱橫跌宕有怒猊掘石渴驥奔泉之態與米元佃劉恂劉澤長稱辰谿四才子所著有敬志堂古文集二卷詩集一卷

米元佩嘗言陶石每得一奇便手舞足蹈聲震屋瓦
嘗作余氏譜甚善未入官而卒

敬志堂集補

劉澤長字淑人號九巖辰谿人家貧力學清操自勵順
治十八年歲貢日以訓課爲業總不與世人事雅好
撫琴遇難常以琴自活熟三十餘譜自作五操清妙
寡和惜無傳之者高風亮節邑人常稱之

縣志

方徵遠字徐徵瀘溪人順治十八年恩貢生博文強記
性坦率與人和易嗜酒善奕人召飲輒醉談笑風生
隱居授業開導懇至生徒悅服其詩婉麗有佳句年
八十餘卒

縣志

辰州府志

卷三十七

人物傳下

五

鄧之珂淑浦人父啟聖順治初服賈於外爲兵所阻絕
無音耗之珂朝夕思慕間關往尋至湖濱夢有告之
者乃得迎父歸父邁篤疾醫藥不效之珂剖肉療之
後爲成都什邡尉尋轉丞攝縣篆縣水利不治捐俸
數百金鑿山導水溉田千計於要路建石梁通往來
民利賴之故梁與埧俱以鄧公名祀孝弟嗣孫欽錫
亦以孝聞有司給匾旌之

省志

劉恂字讓子號西石辰谿人父廩生日升有庭訓恂能
受之目數行下一過不忘壯益力學淹貫經史所著
詩古文皆堪傳世順治庚子舉於鄉康熙甲辰成進

士痛父母不及見流涕如雨至其積德務善邑人士咸謂其有曾祖萬樵之風

縣志

楊蕃生字季林瀘溪諸生博學多才爲文有風度值寇變挈妻子居六保山中敦行績學著述甚富鄉邑文獻多所記識康熙六年邑令邵時英纂邑志資攷證焉

縣志

馬上彥字聖先沅陵人幼穎悟多才每試冠軍其文亦嘗售矣遭時變亂走滇黔間吳逆平後督撫委署三汨令後棄歸屏居白田築茅廬作咕嗶聲諸英少過而問業雖年逾八十不以倦辭間有撰述亦不存稿

辰州府志

卷二十七

人物傳下

六

然其筆力甚古健也品行端方其推典型尤沅陵人所交稱者

縣志

袁文明字慧生沅陵人歲貢生魁梧倜儻邑有大工役皆爲調度排難解紛無不折服喜濟人之急傾囊以助不自知其餅壘之罄也屢困棘闈晚膺歲貢不樂仕進嘗聚生徒錄先儒格言相勸勵學者宗之年逾

八十卒

縣志

魏進沅陵人歲貢生年少負才文思泉湧人多畏服其弟建字千牧亦多才每作文輒自命中後皆死於兵

縣志

繩德字右丞沅陵人性豪放嗜古詩文浪遊吳會凡
經過皆有題咏著汗遊集四卷晚年寄居武陵西漢
又著有西漢集年高業富學者宗之

縣志

羅列秀字太和沅陵人歲貢生有才學授業者知名甚
衆性清潔自守當變亂後老成凋謝邑人咸以碩果
推之

縣志

龔承寵字三錫沅陵人性樸魯狷介喜讀書淹貫博洽
每試則千言立就爲辰郡冠當亂離時逃竄山谷必
手一卷吟哦聲不絕往往爲兵所繫雖備極困苦終
不改也性篤孝年五十餘教授城中以供母甘旨必

辰州府志

卷三十七

人物傳下

七

備郡丞王賜鼎爲母壽徵文多不愜意有丐於寵者
賜鼎得之嘆賞卽屏車從往謁及館而寵避去曰家
貧母老勉事舌耕耳當道逢迎我不願也門人盧甲
先舉孝廉來謝寵曰涵養滋培方成偉器炫才暴技
必非大儒因取一絹曰以此爲我母壽足矣後母歿
廬墓而終

省志

縣志

廖尚選沅陵人百歲翁廖漢文之裔也少失恃每見母
遺鏡輒對泣不食父問之曰母面如在是以泣及長
家貧貿易以供父每旦夫婦起候寢室外必奉盥進
湯問所欲而退父患癰醫弗瘳尚選日浴患處吮

再四而愈父喜施予尚選卽多製衣衾併置餘錢以資其用時人爲之語曰廖公被人人濟有子繼廖公服人人足有子續年四十忽病危知不能生乃衣冠拜父堂上泣訣曰兒不能養父老報父恩自今惟魂侍父側耳解所常服衣以衣父復誠妻與子曰若善事我父我死瞑目矣長嘆而卒聞者爲之悲悼交口稱孝子云雍正間祀忠孝祠

縣志

向夢熊字奎元沅陵界亭人康熙癸丑逆賊吳三桂反煽動湖南辰州遂爲所踞征賦雜派銅鐵硝磺鉛錫竹箭鎗竿苧麻線索布絮猪羊之屬凡數十項民之

辰州府志

卷三十七

人物傳下

八

富者不自保貧者不自存如是者六年吳逆死已未餘孽退保辰龍關立柵清捷河四野淫掠割耳鼻斷手足委骨成邱晝霾如夜民大苦之如是者又年餘矣是時綏遠將軍蔡毓榮營於太平鋪相持久無隙可乘於是向夢熊與王玉美蔡斗還投營請見日間道有三左右裒之關可破也將軍喜與申二月初九夜向夢熊令僕可隨至毛板衝最高處舉火爲號而令王玉美引郭總兵軍出滄溪繞清捷河後蔡斗還引桑提督軍出紉溪石夢熊自引蔡將軍軍出高崖左賊從夢中起三軍夾而攻之人不及戈馬不及甲

清捷河與辰龍關遂斷而爲兩蓋守之年餘而不
聞者一鼓而捷矣十四日師入辰州授夢熊中軍守
備辭不就賜王玉美蔡斗還可隨金各五十斤由是
民始知有太平之福夢熊居家孝友子孫甚衆讀書
有登進士者 馳贈夢熊文林郎王玉美斗還俱界亭
人後裔皆盛可隨壽至一百有八歲 採補

李象琳字林玉瀘溪人博學有文名試高等食餼後遇
亂兵被擄不屈見殺 縣志

黃大福字春臺淑浦人讀書通大義吳逆僭號有勸應
試者曰仲連當赴東海死耳尚賴其寵榮乎卒年六

辰州府志

卷三十七

人物傳下

九

十有一

縣志

周士昂字傑楚淑浦人明季流寇披猖白骨載道昂持
畚鍤往瘞爲賊所獲因勸曰汝亦饑寒故至此耳何
妄殺人爲賊感悟釋歸乃盡收骸齒瘞之康熙間吳
逆之變所過殘滅士昂詣營與逆將陳說利害亦爲
稍戢年九十六終 縣志

譚濟字濟川淑浦人歲貢生康熙時司訓衡山不攜家
室惟以詩書自隨閉日靜思得則搦管書之與士子
玩賞剖晰多得聞所未聞條教嚴密嘗謂士當寒窗
時不立廉隅必負國家貧屢者輒資之所至題咏人

爭以爲重著有孝經刊誤孝子傳先正格言在任

五載遷歸州學正送餞者泣數行下又四年以老乞

歸 衡山縣志 省志

姜光周字望若淑浦人齡年失怙悲慕如成人事母孝

母終廬墓遇父母忌辰未嘗不嗚咽流涕也與弟光

成同爨怡怡至老康熙間以壽終 縣志

米云堅字剛中號毅菴辰谿人元佃之子也早餽於庠

酷嗜學性冲虛善悟閉戶不妄出於易性理確有所

得所著臥雲集詩古文辭悉淡遠及病危談書理明

白爽亮且告以來日午時當去世卒如其言年三十

辰州府志 卷三十七 人物傳下

十

有二 季馨詩集補

舒宏訓字慕衡號慎齋淑浦人性廉靜凡三拾遺金皆

還其主務博覽工詩幼咏葵花有勞心惟戀日不肯

向人傾之句識者異之康熙丙子登賢書癸巳授江

西新城令暇輒登高山臨清流賦詩見志嘗充同考

官甲辰罷歸借故知選勝至二酉山玉華洞嘯歌其

中自號詩顛年七十三卒著惹雲堂集仁育堂草慎

齋寓言藏於家 縣志

向淑俊字傑先號鶴山淑浦人幼穎異讀書數行下年

十二補弟子員坐事黜十六復入邑庠旋食廩餼累

試第一而卒不遇以歲貢終初父死客邸柩寄蕭寺
遭洪水飄去淑俊泣血籲天迹至桃源得之棺無損
人謂孝感淑俊父首國幼從兵間脫母於禍以孝聞
者也淑俊既不遇晚年益淡情世路飄然物外問字
載酒者無虛日著漱六堂集皆散佚所存詩文頗有
逸致多可觀者

縣志

謙梅字戰雪號鏡崖淑浦人嗜酒能詩尤工書每醉後
揮毫灑灑洋洋曠如也少任俠曾脫人於難又營北
之燕東之齊南之吳越足跡幾遍天下遊數年歸所
至得書充棟構一樓曰望遠讀書坐臥其中非學人

辰州府志

卷三十七

人物傳下

十一

不得入爲邑庠辰州有名士無不重之臨終吟古句
云黃泉若有好朋友只當飄流在異鄉

向傑先記

米云方字若矩元侗二子辰谿廩生孝於親友於昆弟
有二子早逝其行善益篤兄弟六人業析產矣繼母
弟三人長欲分田羣有難色云方曰安有弟而無產
者乎推已田四分之各得其一數十年兄弟子姪猶
同居一室也初居東山疫大發居民皆染疫云方常
施藥慮不能遍乃以良藥密置井底飲泉者皆脫然
愈晚舉一子人咸謂陰德之報云

石山榛字北岐瀘溪人東臨內貢拔貢選嘉禾縣教諭

端重有節範尤健爲文士持所作請正抉摘指不皆
中癥結由是士知向學卒於官 縣志

李日新字首銘瀘溪人父枝珊性剛直尚氣節面斥人
過不稍假借鄉里敬憚之枝珊貢於庠未仕而日新
以康熙戊寅拔貢任安鄉教諭坦率無城府致仕歸
囊中不盈十金日新怡然也 縣志

唐之命字爾咨瀘溪人康熙四十四年貢生居浦市童
時遇上寇竊發隨父母竄匿鄉村寇至母張氏懼不
免閉戶投繯之命每念及輒長號事父極誠篤父歿
塑像供之晨夕拜泣市無義塾與孝廉李于臯倡建

辰州府志

卷三十七

人物傳下

十一

文昌閣以居遠近學者今碑記猶存 縣志

康仲璋字次琦沅陵人畧年補博士弟子員赴棘闈不
遇康熙四十八年歲貢訓導承明爲人敦倫飭紀遊
其門者循循善誘而外無他事焉二弟仲德仲岱皆
守義自重博聞強記工詩學精書法家雖貧而花晨
月夕兄弟把酒倡和吟咏一堂怡怡然天倫樂事也
仲璋所著詩文尤富不自收拾故存者無幾

劉紹緒字道一辰谿庠生敦倫睦族衆無間言行年九
十餘不陟公庭訓子姪以禮足爲鄉邑楷模康熙四
十九年無疾終 縣志

同濤字乘風沅陵人康熙五十五年薦為任藍山知縣
乾隆丙寅起補長沙府以姪廷柱為教授改益陽
躬有道課士有方一動一言學者羣奉為楷模卒於
任士子無不感涕

益陽縣志 省志補

張宏仁字仔肩瀘溪貢生性方嚴盛暑不裸袒事繼母
以孝聞於利濟事知無不為以子錦貴封修職佐郎
縣志

黃道恒字聖基沅陵人文烜之孫幼遭吳逆之亂李家
人避居桃溪祖墓下立柱崑中結廬讀書今人呼崑
門山是其蹟也既餽於岸出入經史吐納風騷每當

辰州府志

卷三十七

人物傳下

三

棘闈出入洞庭驚阻者屢矣浩然與友朋嘯歌不甘
自擲康熙五十九年貢入太學所著鶴齋堂小草清
逸有致卒年八十餘

張源字景崑瀘溪人居父喪三年中對人未嘗笑忌日
必盡哀有江右人胡啟先賈於瀘以金寄源家啟先
歿其子不知也源遣人訪而還之或貸金於源貧不
能償輒焚券邑有義舉源無不與者

縣志

向宗軻字繼孟瀘溪人性友愛諸弟姪貧困宗軻皆為
治生產好行其德鄉里賴之

縣志

姚大焜字方升沅陵人幼穎悟誦讀不闕寒暑非飲

麻山未嘗一至公庭康熙丙寅拔貢中丁卯鄉舉未
仕而卒 縣志

麻節瀘溪人少而孤事母盡孝撫三幼弟至成立始析
箸以好義施予無吝色 縣志

官恤民瀘溪人赤貧父歿鬻身以葬駕小船爲業亦時
樵采自給而養母必盡歡有從弟少孤竭蹶爲畢婚
娶歿復殯殮之其父母葬城東塚旁有塚無祭掃者
恤民歲時上塚畢亦一一及之恤民與邑人金國梁
高選唐榮珊皆還遺金而恤民赤貧國梁還金者再
尤人情所難云 縣志

辰州府志

卷三十七

人物傳下

古

唐永彰字王安沅陵人與兄拔貢永彭壘篋迭奏數十
年不替居遠城市無事鮮入試輒冠其曹雍正元年
拔貢五年保舉孝友端方六年發往河南以知縣用
授寶豐令寶豐舊爲二程子講學地祠像久廢彰修
之率邑人弦誦其中立三法曰經學曰吏治曰文藝
五年之間政聲大起至於除陋規省鹽價勤聽斷簡
獄訟使民務知本業邑民郭盡忠生一子爲妖所惑
控於彰彰親詣盡忠家視之妖遂息寶豐之民奉爲
神君久之致仕歸年七十卒

李治字宇泰瀘溪人雍正癸卯選貢任麻陽教諭始

時... 性剛直不阿訥於口有言未嘗回撓卒於任士子咸哀思之著有蒿郵文集藏於家

縣志

張友曾字唯一瀘溪人雍正三年貢生性樸直篤於孝友侍奉二人得其歡心與兄友顏同居食指多未嘗析爨鄉閭義之諸子孫補弟子員甚眾

縣志

向德一字輔世號蘇村淑浦人年二十補諸生尋餼於庠雍正丙午舉孝廉越三年己酉入蜀闈同考四上春官不第循例授縣令兩任江西進賢創曲水書院延師訓士乾隆丁卯充同考官擢八人多知名士年

辰州府志

卷三十七

人物傳下

五

七十餘請老不允卒於官著有四書融叅講義詩古文凡八卷

縣志

君效堯字衢尊辰谿人父貢生虞臯六十始舉效堯幼穎異七歲能吟詩雍正癸卯拔貢次年中式庚戌成進士發陝西學君候補知縣時陝西方修省志以效堯長於古詩文使理纂修補白河知縣清慎自持愛民如子一切陋規為民害者申請禁革士民歡悅十有二年致政歸攀轅泣送者載道年七十卒所刻有于隅集行世

宏勳字伯猷沅陵人以行伍歷官千總雍正

周永綏苗境宏勳先往化誨諸苗帖服降圍汛若擊
寨之衝地險苗衆頗難防衛以宏勳爲守備鎮之會
黔苗亂大兵征討而永綏地屬唇齒得保無恙事平
立保甲通貨財以爲善後乾隆庚申擢都司而宏勳
死苗民甚感之

光極淑浦增生仁厚樸誠邑遇歉歲豪右稱貸多取
厚息光極獨減價平糶見餓者食之寒者衣之無德
色能文章教授里中老而不倦八十五以壽終其弟

廩生光樞亦敦品立學雍正六年舉優

縣志

潘字金谷哥字素臣淑浦人兩人同族兼同學交相

庚州府志

卷三十七

人物傳下

去

愛也均能詩尤善屬文然屢困棘闈各以歲薦老所
居有洞名黑崑兩人旣弗遇嘗賦詩嘯歌其中

補

李世烈沅陵人秉性樸實家貧不讀書不識字十二喪
父十六而八旬祖母又死母年三十弟世勳幼穉無
知母哀痛迫切日失明世烈多方調治度誠默禱三
年後復明如故孺慕終其身雍正九年縣令趙念曾
以純孝可風額其閭

文案

劉芳彤字右功辰谿人悔于少孤事母孝與弟芳彭自
力於學雍正十一年貢成均嚴取與重然諾庭無
言鄉黨之間雍如也芳彭字椿年庠生恬淡寡

情詩酒三十餘喪偶不再娶壽八十九卒先日詩
正襟危坐談笑而逝

鄧國均字伯衡瀘溪人性慧從師受業僅三月遂棄去
自讀書以所疑質之邑中知名士久之多所解悟嗜
吟咏清婉有意趣出遊四十餘年歷秦晉燕趙吳越
滇黔足迹幾遍天下後倦遊隱居山中與人談古今
事口如懸河所著有遊歷雜錄聞見新言江園吟藏
於家

縣志

萬民瞻字世欽沅陵人任辰州協標千總素驍勇雍正
十三年貴州苗叛奉調隨征奮勇敢戰累有殺獲五

辰州府志

卷三十七

人物傳下

七

月十八日師駐橫塘苗伏衆來誘民瞻率衆逐之入
伏爲所害事聞 予恤廕其子盡仁爲把總

朱自植字文盛鳳凰廳人賦質奇偉發聲如鐘鎮算鎮
標把總雍正十三年貴州苗亂奉調隨征禦之橫塘
五月十八日苗人誘敵自植率衆百餘人撲巢入伏
隊目劉希義進曰寇深矣自植曰此吾死所也與希
義等奮力血戰各殺數十苗而死近一月苗始退自
植尸四剖如生事聞 予恤廕其子憲武爲把總至
今橫塘人祀之爲神稱禿馬朱爺蓋所乘馬嘗禿云

省志

按省志劉希義作希仁誤

方亨鳳凰聽人身長七尺餘多膂力年弱冠任鎮守鎮
標外委雍正十三年貴州苗亂禦之橫塘接戰累勝
不以苗為意五月十八日輕敵入伏身中數十鎗力
竭始斃事聞 予喻

張齊歐字景陽瀘溪增生母歿事繼母以孝聞兄弟分
產以腴者予弟而自受瘠薄葬父移伯骸合之曰不
使死者手足遠離也婦有廢疾待之如賓終身無
忤至迎養外親分財與其姊媿睦尤無間言雍正十
三年建坊 旌表孝子祀忠孝祠 省志

辰州府志

卷三十七

人物傳下

六

田仁澹字澤侯鳳凰廳人歲貢生性恬淡不慕榮利授
徒桑梓以善誘著觀察王柔慕其名聘為子弟師居
家雖受橫逆絕不請白於當事念鳳廳無志乘就其
所知創輯草本年六十選醴陵司訓以母老辭士林
翕然稱之以子宏界 馳贈修職佐郎 廳志

黃朝賓字子嘉沅陵人性醇厚敦孝友弱冠入泮食餼
屢試見賞去家里許依山臨流築茅齋為講讀地四
方就業者嘗數十人其為教先倫常後文學與之譚
道理連日不倦涉世事輒謝絕需次為貢生而卒人
咸惜之

李敬公字子京瀘溪貢士母張氏五節中之一也
先已失怙甫能言卽以不及見父爲恨痛母守志奉
訓維謹於伯叔所遺諸弟姪盡心教誨迄於成名凡
經書註疏史鑑俱手錄爲文滔滔汨汨一瀉千里弱
冠補弟子員每試高等以熟工古文詞乞文者趾相
錯邑令聘爲義學師歷三十餘年惟日以待母教于
孫訓生徒爲事邑令張宏烈爲詳請 旌表年七十
四口占一詩而卒祀孝義祠 省志

林文郁字從盛鳳凰廳人歲貢生舉止端慤爲時所敬
從事門下者多知名士任瀏陽司訓清淡自甘潛心

辰州府志 卷三十七 人物傳下 九

訓迪以疾卒於官 廳志

陳大勳字公猷潯浦廩生好施與靖州吳解攜二子備
其鄉喪明無所得食幾絕勳惻然出粟周之後死爲
之殮子尚幼勳留養及長願傭以報不許乾隆元年
詔舉孝廉鄉評首薦勳因辭年六十終 縣志

楊鴻謙字子誠瀘溪庠生家甚貧舌耕以供子職二十
餘年色養不懈母年八旬常患痰嗽瀉泄被褥沾汚
躬浣濯之無難色母卒號泣如嬰兒兄弟一堂翁好
無間人以爲孝女實行云乾隆二年建坊祀孝義 省志

文從軾字二蘇涪溪人篤志力學屢困童子試年三十始補弟子員旋食餼乾隆二年應歲薦居家謙謹與人交平易終日無喜愠色督修學宮最爲勤勞時年已耄耄而視履如壯邑令式閭以示優異年九十卒

縣志

黃家字服章沅陵人道恒子也讀書敦行父工詩善飲每花晨月夕輒延致執友捧觴侍視以承父歡父歿侍母左右不稍離母間發心痛病家終夜撫摩不寢母八十五以壽終家時已六十哀號一如父喪時值忌日必祭必泣父所遺詩文集皆其手錄也卒年

辰州府志

卷三十七

人物傳下

手

八十三鄉黨稱之

文案

熊世傑字秀升鳳凰廳庠生有至性侍親側出告反面唯諾必謹父母相繼卒哀毀甚勺水不入口絕而復甦歸窆成禮日夜號泣竟以悲慕成疾卒

縣志

張儼字謙益瀘溪人性恬靜耽於誦讀一赴秋闈不售而止歲科試屢冠首偶鄉里爭延致爲子弟師文名籍甚未貢而歿

縣志

向廷柱字砥中號鐵菴沅陵人性曠達風流能詩文推父母愛子之心以愛弟教讀婚娶皆自任之兩弟早逝撫遺孤如已出乾隆丙辰舉於鄉壬戌成進士授

長沙府教授見諸生以讀書敦品爲言不以費爲重故居官長貧壬申長沙饑廷柱奉大吏命日馳一馬曉富民以天良皆樂輸以賑丁母艱服闋補永州府學沐其化者一如長沙諸士作盛德詩咏之三載遽卒惟以不得終事父爲憾舟過長沙多泣者所著有鐸湘集永奇集鄂行吟水陸所見集並藏於家李茂林字密生號疎慙沅陵人四歲失怙與七歲兄似林依於孀母郭氏稍長就傳隱署父字案頭對之若聞督教十歲餘卽有文名應童試三冠其曹首拔食餽凡有試必居首試牘之文傳誦楚南年五十未嘗辰州府志

卷三十七

人物傳下

三

一赴鄉闈母勸之則曰男幸生太平世各可徐圖母之年可復得耶著學庸註疏二論幼解乾隆五年貢成均優游林下樂育後進口講指畫聞者無不滿意以去年七十餘卒

魏紹字念遠沅陵人居浦市家貧饔飧不給其妻韓氏勤女紅以佐之苦志潛修足不踰戶雖饑寒交迫而弦誦之聲不輟中乾隆辛酉科舉人乙丑成進士任常德府教授以端品崇實造士士爭頌之三載卒於官囊篋蕭然妻子仍歸而食貧

石山靜字敦復瀘溪人恩貢生好學植品以文章騰譽

一時又有石山靈字秀章敏於文餼邑庠簡率不飾
邊幅好酒醉輒曼聲長吟經行市中眼底如無人者
竟病酒卒 縣志

姚明性字誠哉沅陵人幼聰慧背誦五經如懸河年十
三入府庠十四食餼十六中乾隆辛酉科副榜肄業
太學授興寧教諭卒於官年三十有六初明性敏而
好學夜替鷄牀下聞鷄鳴輒起讀至天曉故其淹博
不可及云

李樹公字名園瀘溪庠生行端謹父早世事母孝母歿
哀毀踰節早喪偶終身不再娶杜門課子年踰八十

辰州府志

卷三十七

人物傳下

三

徜徉山水間以釣魚自樂太守白豐為額其閭

縣志

謝純臣字蓋侯號東山沅陵人早失怙事兄甚恭篤志
於學饒郡庠乾隆八年貢成均由城徙居於鄉奉母
氏何朝夕舌耕不離膝下者三十餘年鄰家火母病
臥純臣哭籲天風反火息母九十五以壽終葬之近
處朔望省塋哭泣而返生平好行義舉晚年見子孫
五代近百口同爨不析作十二忍詞以化導其家時
時縷晰而詳明之一家讀書之聲濟濟盈耳入庠序
者居其大半壽八十有五卒間為詩歌冲和恬澹人
咸頌而服之

嗣晉字東昇沅陵人家貧讀書自好教授生徒動以禮餼縣庠試輒先其儔所訓弟子多通人姪价其著也學宮有公事縣令趙念曾命嗣晉任之非是不出乾隆七年貢成均尋卒价字維藩中雍正壬子鄉試爲福建鹽大使五年卒於官爲詩清洒如其人張鋒字畏菴瀘溪人性敏嗜學早補弟子員授徒黔陽浦江從學者甚衆事親委曲承順凡可以得歡心者無不力致之而於昆弟友愛尤篤未及貢而卒

縣志

晉啟祥沅陵吏員九歲失怙上有四兄貿易遠方祥事母求嘗離左右母七十臥病祥捐修佛像以祈母壽

辰州府志

卷三十七

人物傳下

三

母康強十有六年乃卒乾隆六年循例請旌建孝子坊

續志

劉芳楫字羣元辰谿人有舅氏流散黔省母念之輒涕芳楫十七辭母往尋備嘗艱阻卒獲舅氏而歸母大悅江西傳元凱客於辰芳楫憫其孤爲資之生理助之婚媾芳楫年六十一卒元凱哭之慟提督楊凱尤敬之爲之額其閭

董大猷字秩齋沅陵人乾隆十八年歲貢性樸實言動不苟讀書外無他事兀坐書齋衣冠必整雖酷暑不懈途遇婦人必遶道避之其嚴正如此年八十餘

李枝泰字來吉瀘溪人父母早喪逢忌日輒伏地長
學問深潛狷介不俗視名利甚淡早喪偶不再娶家
徒壁立訓徒村落人鮮知者子源長乾隆十四年以
貢遊成均得衡陽訓導

縣志

楊翹字介菴瀘溪人有雋才為諸生屢困場屋作文鮮
妍妙麗詩亦清新踰六十始食餼既耄猶能張繖着
木屐行泥濘中邑學博張九鍵為作木屐生傳

縣志

李發林字懋昭瀘溪人生九日失恃祖母張撫之幼明
敏好學年十七遊泮十九食餼事後母待異弟孝友
惇篤歷試皆優年三十六卒邑學博張九鍵哭之以

辰州府志

卷三十七

人物傳下

五

詩縣志

周大昇字旭菴號曙園瀘溪庠生性敏嗜學沉酣經籍
內行尤淳備一齋一榻疏窻緜几熏琴讀書泊如也
試輒冠軍多困舉場間一得當復報罷然無愠容晚
尤精研宋儒書問字者屢滿戶外就其齋稱為南甫
先生乾隆二十六年以子品金貴 馳贈修職佐郎

縣志

荆自才字參兩淑浦人歲貢生性誠慤平生無妄語人
亦弗之敢欺家貧親老嘗授徒以為養邑中科甲率
出其門陶令金諧聞其賢盧峯書院成郎延之掌教

乾隆甲申卒於浙

善行傳第五

李杲

李時榮

李學儒

陳良猷

金倫

瞿一振

郭鎮邦

于子偉

蔣士榮

丁攸

田邦寧

楊國卿

譚世鑑

鐘班

舒雁

舒鳳修

李鳳習

李魁春

荆文和

唐宣化

李大祿

金國棟

國梁

李嘉錫

胡自樞

龔持國

舒龍修

李象琮

辰州府志

卷三十七

善行傳

五

明

李杲字白溪盧溪人好為義辰州修府城杲捐千金助

工舊志

李時榮盧溪人居浦市好施成化初捐貲建仙李橋後

有貢生李學儒者亦好施萬歷間仙李橋壞學儒修

之復建橋曰小仙李橋

縣志

本朝

陳良猷字璵友沅陵人選貢生好學慕義康熙十四年

有江右書賈全天付避兵洪山倉卒中遺銀良猷亦

避其處有僕拾得之良猷命僕還其囊縫線如故天

付欲分半以贈不顧而去良歎善詩又授徒甚衆人
稱爲經師

續志

縣志

金倫字明宇瀘溪人性誠厚曾於市得遺金俟至暮乃
歸翼日見有人倉皇入肆則失金者也詢其數合還
之封識宛然失金者分遺金爲謝不受又有瞿一振
者亦還遺金不受謝與倫事類

縣志

郭鎮邦字太寧沅陵人貢生郭維藩長子也天性孝友
不爲華貌矜色家頗充裕而好施予又不欲居其名
嘗見鄰里無資者卽貸之年終不能償則曰以待來
年久之見貸者反避冬見無衣者婉言曰得毋寒甚

辰州府志

卷三十七

善行傳

美

我有衣聊以禦寒人有索債者輒以溫語排解或代
償之祖業外不事購求年七十餘卒于子偉孝友亦
如之

續志

縣志

蔣士榮字必尊瀘溪人好善藥病者構死者族黨有緩
急往叩士榮輒應或不能償亦弗索也士榮享高壽
卒

縣志

丁汲字思若淑浦庠生少孤事母以孝聞性醇厚鄰有
貧者負富人金將鬻妻以償汲聞往詢令還娶妻以
金而代償富人終無德色康熙戊戌舉鄉試
介貞年八十四以疾終

縣志

田邦寧淑浦人性耿介好善樂施靖州張寶備其家十餘載卒無所歸邦寧計其值買棺殮之既葬以其餘買田四畝施中華山庵勒諸石新化唐某徙淑年饑不能自存謀鬻其媳邦寧解囊周之後唐媳連舉子因感謝償金不受有羅姓乏嗣欲娶妻少金十五兩邦寧如數予之不責償康熙丙戌歲旱鄉里多逋賦吏胥追呼邦寧代貧者完納其善行多類此里黨稱之縣志

揚國卿鳳凰聽貧民也過菖蒲塘拾遺金約勛許坐而候之薄暮有人踉蹌來詰其故脗合卽還之其人取

辰州府志

卷三十七

善行傳

七

一錠酬之笑曰我不全取而貪汝一錠乎遂去不復顧廳志

譚世鑑字焉廛瀘溪人居浦市幼端謹好學補弟子員與人交始終不替尤好施建橋梁修邑學皆力任之以是鄉評歸焉縣志

鍾班字上玉淑浦人負性慷慨十歲遭吳逆之變爲賊擄以計脫歸始就學教讀里塾好爲利濟事有許姓孀婦土豪欲強娶之爲代鳴於官得全其守賀蕭二家皆以貧故鬻妻賴班全活拾遺金道左越數日聞失金者卽以見償見人有難卽爲排解之卒年八十

有九無病而逝 縣志

舒雁字展萬溆浦人捐貢生與邑令王宏曾善後宏曾以勸帑削職留溆不得歸卒於城東普化寺宏曾家瀕道遠戚屬無至者雁經理喪葬勒碑於墓歲時祭掃雁既歿其弟鸚子天性祭祀如故 縣志

舒鳳修字羽長溆浦庠生性仁厚家有餘資輒分與鄰里之貧者每遇歲饑出粟以周窮困卒年八十有二 縣志

李鳳習字數飛沅陵人父庠生應俊患風疾苦踈醫習事之維謹馬底驛爲雲貴孔道舊無橋康熙四十八

辰州府志

卷三十七

善行傳

天

年習倡爲廣濟橋五十七年大水橋壞修之如舊其生平義舉多類此當道旌爲善人六十後始生二子壽八十五卒

李魁春字在上沅陵人襟懷卓犖重義輕財乾隆二年伯父鳳習所創廣濟橋壞魁春捐金修之虎谿書院闕膏火魁春捐五百金爲倡由是應者甚衆歲暮嘗施棉衣數百件行之三十三載無間當道多重之康熙癸卯中式武科乾隆二十二年任太倉州衛千總致仕歸卒於途

荆友和字貴先溆浦人志猗行篤幼業儒父卒家中落

乃力田以儉約成家嘗拾遺金訪主還之不受謝
縣志

唐宣化字玉超瀘溪人家素封郡守建虎谿書院集郡
人捐膏火資宣化捐千金繼復買宅以居無告者其
餘粥餓絮寒恤死喪助婚娶所施予甚多而宣化益

饒裕

李大祿瀘溪人兄歿撫其子成立有族祖貧老無歸大
祿曰於我乎養及死殯之如禮
縣志

金國棟字元臣國梁字功臣瀘溪人國棟友愛能讓產
而國梁事繼母孝皆有厚德喜恤貧乏國梁夫婦俱

辰州府志

卷三十七

善行傳

五

享高壽及見元孫鄉人皆曰此盛德之報
縣志

李嘉錫字玉琳沅陵人祖遺房屋讓與弟姪奉父母別
居施衣施棺周濟危急甕子洞辰灘之最險者嘉錫
捐百金助修建石家橋新龍橋各費金二百餘天全
橋費六百金邑侯趙念曾旌之晚年足不履城市惟
訓子孫以孝友年八十四卒

胡自樞字直生瀘溪人少失父勤苦自立性質直重氣
誼矜恤孤寡嘗出粟賑饑輸金治道善行甚著
縣志

龔持國字殿選辰谿附貢生敦節儉重父母父欲修建
橋閣承父意竭已資數百金修之歲歉間出穀以賑

窮民

許龍修字繼長淑浦庠生讀書端實行雍正壬子鄰家
火龍修率家人往救得一匣謹護而還之靖州民與
龍門稱傳其子以舉債龍修聞而代償之與欲使其
子為龍修備不許嘗刊朱子治家格言以示鄉人年
七十二卒

李象珠字爾學沅陵人少失怙事母孀母弟早逝撫姪
如已子督理虎器書院膏火捐砌院前坡級他如開
文昌門修府學象皆與焉與其妻袁氏同年月日生
亦同年月日死壽八十有六

辰州府志

卷

三十一

善行傳

三

善行傳第五

廖漢文

王仕俊

張仁

李學閔

李杜

龔春材

米鬼香

劉惟和

劉邦奇

羅楚俊

姚

梁寶

邵承選

韓國瑞

劉

張士進

孔

尚貴卿

唐九齡

楊

石祚水

張君愛

楊

文正國

謝輝吾

程文彬

謝高伯

趙京璜

荆友芷

夏京賢

戴廷諫

趙天經

譙守習

明

廖漢文沅陵人年百有二歲好善行施甕子洞鐵鍊數

百丈身歷六朝鄉飲三次

王仕俊盧溪人嘉靖十五年壽九十三

張仁盧溪人嘉靖二十年壽九十一

李學閔盧溪人年九十

李杜盧溪人年九十三

龔春材盧溪人壽九十六歲予冠帶

辰州府志

卷三十七

耆壽傳

三

朱菟吾辰谿人壽一百歲

本朝

劉惟和沅陵諸生壽九十歲

劉邦奇沅陵人壽九十六歲

羅楚俊沅陵人壽九十二歲

姚鉞沅陵人壽九十六歲

梁寶沅陵人壽九十六歲

邵承選沅陵人壽九十八歲康熙辛卯年卒

韓國琇沅陵人壽九十四歲

劉進沅陵人齒落更生壽九十九歲

張士進沅陵人現年九十二歲精神強健行不用杖
孔希聖字思尼沅陵人事母孝當吳逆兵變採蕨自食
母有所欲雖難得必獲之修橋施棺壽逮耄而卒
同貴卿沅陵西溪人壽一百有六歲其子生員宏謨字
爾顯壽九十七歲現存

唐九齡瀘溪人壽九十四歲

楊薦伯瀘溪人壽九十六歲

石祚永字延年瀘溪人居後洞終身不入城市壽九十
五歲

張君愛瀘溪人壽百有六歲詳請建坊

辰州府志

卷三十七

耆壽傳

三

楊鴻譽瀘溪人乾隆元年壽九十歲

文正國瀘溪人乾隆三年壽九十歲

謝輝吾辰谿諸生也有隱德家貧日織屨自給積所餘
以施窮丐年一百有二歲以壽終

縣志

瞿文彬字玉還辰谿人篤孝友勤耕稼乾隆二十五年
卒年九十五歲

謝高伯辰谿武生壽一百有一歲乾隆二十九年卒

趙京瓚溆浦人壽九十六歲

荆友芷溆浦人壽九十三歲

夏京賢溆浦人壽九十二歲

戴廷諫字蓋臣淑浦人和厚信實歲出穀以貸鄰里之貧者而免其息不能償者亦不責也年百歲將死聚券焚之且召舉債者告曰券已焚爾勿憂也弟廷憲亦年百歲

縣志

趙天經字文寰淑浦人秉性樸實處世和平壽九十九歲

諶守習字濟五淑浦人性醇厚童稚不侮見梁橋朽壞即督子姪易之途崩缺及瓦礫荆棘必補而除之壽九十三歲

方伎傳第五

辰州府志

卷三十七

耆壽傳

三

武轄子

李六名

諶會銜

唐榮叔

孫起鳳

唐受鶴

陳作新

唐聯科

唐元士唐守簡

劉永年

楊自修

易山

汪定

明

武轄子不知其名淑浦人業李虛中術多奇中有村女被崇危甚武推算知之乃用步罡法擒一鼠烹之女

病尋愈

淑浦雜識

本朝

李六名沅陵人善風鑑以氣色卜人吉凶每談言微中

沅陵志

謙會銜淑浦庠生通風角鳥占之學年七十病癱不出
戶者數年一日告家人曰某將死矣闕日又曰寺僧
某死家人詢之皆如言臨終遍召戚屬與訣沐浴更衣
衣端坐而逝 淑浦雜識

唐榮叔字人龍瀘溪諸生性恬澹善書得虞永興米南
宮筆法年八十餘猶揮洒不倦凡琳宮梵宇豐碑巨
額多其所書挾卷軸索書者得則珍藏如晉唐人遺
蹟 縣志

孫起鳳沅陵醫官也性敏精叔和脈理存心仁厚不計
辰州府志 卷三十七 方伎傳

利不辭勞始終如一也督憲郭琇過辰病篤投劑而
愈攜至武昌數月康熙四十三年縣三都連被疫乃
齋戒具祝文投府城隍欲竭費往賑情甚剴切夜夢
有引之行者至而病愈已而果然 沅陵雜識

唐受鶴字鹿友瀘溪諸生精琴理善棋書法摹董立
而繪畫山水能兼諸家所長邑中工書畫者少故持
縑素請者屢相接也 縣志

陳作新字振起瀘溪諸生善醫察脈投劑多奇驗方壯
失偶不再娶 縣志

唐聯科字君泰瀘溪人精小兒科性慈愛昏夜延之必

往矮屋敗蓆溲溺垢穢診視不厭亦不責謝又有
元士者自其父善醫元士世其學復以傳子守簡守
簡諸生也

縣志

劉永年瀘溪人精外科多奇驗嘗製藥以施貧者
楊自修瀘溪人精於推算康熙四十八年藩司董昭祚
被劾去官延自修問禍福自修以月內即當膺顯擢
勿虞其黜也既而果驗各遂著雕刻人物花卉亦極

精巧

縣志

易山字國順沅陵楊溪人幼時得異人授醫術妙在岐
黃外凡賡理筋絡藥所不能達者刀割之而嘔以愈

辰州府志

卷三十七

方伎傳

三五

何頃奏效其妻有腹疾山刺腹瘀血以水拂之剗
合自是試之他腹疾者皆驗督學阮學浩子躡躡
山醫山移之靜室浣腸去溼瀘少頃遂瘳學浩喜
吾今日乃見真華陀他去瘤解癭除跌斃從瘵
不能殫述乾隆壬午卒年九十有一伎遂無傳者

汪定字靜菴沅陵人精醫術按脉投劑多神效戚友
急雖毫耄不憚寒暑過富人非禮請不致也平生
藥施茶有可以濟人者多力爲之乾隆中年八十年

辰州府志人物傳第五終